

مجموعه سنون

از

جمعیت علمیه عثمانیه

ایکینسی پنه

نومرو ۱۹

رجب

استانبول

جمعیت علمیه عثمانیه مطبعه سنده طبع اولنمشدر

۱۲۸۰

مظهر فوز و ظفر اولدیله و در حال فره سیدک بولدیغی محله کیدزک کند و سنی وفات ایتمش بولدیله و اورادن الوب عظیم الای ایله دفن ایتدیله.

پیتاقوس مسقط رأسی اولان مدالوجزیره سنده یتیمش یاشنی مجاوز اولدیغی حالده وفات ایتشد.

(منیف)

(علم معادن) (ما بعد نومر ۱۷)

قورشون خالص اوله رق یوانه قدر یالکز برایکی محله بولنوب دائمی کوکورد و قلور و حامض قاربون رسائره ایله ممزوج اوله رق تصادفی اولنور . جسم معدنی مزبور عندالقدما معلوم و حتی تورات شریفده مذکوردر فقط اولزمان نادر و قیملو اولوب حتی رمالورل زماننده قورشونک قیمتی شمدی به نسبتله یکریمی درت قات زیاده یدی اولو قتننبر پک چوق محارده معدنلر کشف اولنورق حاصلاتی تکذابلندر . حجه نکه معلومی اولدیغی ارزره قورشون مائی به قریب بیاض رنگلی و یومشاق و غایت متطرق و حرارت قلیله ایله مذاپ اولور بر معدنلر و صودن اون اوج بحق دفعه اغر اولوب بر چوق حاضمانده منحل اولور و محلوللری مواد سائره به حلالت ایراث ادر . بو خاصه یه منی یونان و رومالور باده یه لذت و برک ایچون شراب فیچاری درونی قورشون تختلریله قابلیوب فقط بوندن حاصل اولان مضرتی بیلنلرایدی زیرا قورشونک انسانه تأثیرات مضره سی اولدیغی درکاردر . قورشون انخرسی نباتاتی یله افنا

ایلد کدن بشقه فاختانه لده تأثیرات مذکور ددن عمله وجع و بغرا غریسته
دوچار اوله رق بالندریح معلول اولور. قورشون هر صورته قلا ی ایله
اختلاط ایدوب تنگی و امثالنی بربرسته ربط ایلمک ایچون اهم
اولور و قورشون معدنلرینک الزنکینی کوکر دایله مزوج اولان و معدنچیان
بینده غانا و یاخود سورمه تعبیرا انان جوهر در.

ارسنیق سمه و انان جسم معدنی عنصری به طبیعتده پک چوق تصادف
ال نور ایسه ده جزئی مقداری به اوب کاه خالص و کاه معادن
سائر ایله مرکب و مخلوط در. و اشبه معدن مرکب کادن بر قاجی
ایکی بیک سنده دنیرو معلوم ایسه ده جسم معدنی اولدیغی معلوم
دکل ایدی انبقی بوز سنده دنیرو معدنی اولدیغی کشف و اثبات
ارتمسدر. و علامات میزه مخصوصه سی رکی البنیان و عجزه لی
یعنی اناج و بعضی اصداق بوغومی کبی دوکه لی و یاخود طبقه طبقه
و کروی السکل و غایت منکسر و حوی و یا فرشی البنیان اولمقلقد در
ورنکی قیرایسه ده هیچ بر معدن بونک کبی تیز و قولای رنگنی تبدیل
و تحول ایتمز و هر قنخی مواد ایله مخلوط اوله رق مثلا کوکر و بعضی
حامضات و معادن ایله بولنسه حرارت و اسطه سیله بالتمسحین
تبخر و بر یوک دویان ایراث ایدر که بوندن شدید صرمساق
رایحه سی پیدا اولور.

اشبه معدن سم قاتل اولدیغندن بر بقدا ی مقداری در عقب ادھی
اهلاک ایدر. هر قنخی ترکیبه بولنور ایسه بولسون تأثیرات مضریه
مهلکه سی کور یلور اکابینا ارسنیق معدنلرینک جهه سی درجه
مختلفه ده زهر ناکدر لر. اونه دنیرو طبابتده و صنایعده به یازک
اعمالنده و دباغنده و پلانندی تصفیه ده استعمال اولور و فاره لری

اهلاك ايجون دخی حامض ارسنقی قوللانیلور که صیجان اوتی
اسمبله معروفدر. انتیون نسیمه قلنان معدن ثابت اوله رق طبیعتده
پک نادر بولنور. اشبو معدن متقدمین عندنده معلوم ایسه ده
معدن صیخه دن عدا اولمز ایدی. فقط اوچو زسنه دنبرو معدن
صحیح ایدوکی اثبات اولنشددر. و حکمای متقدمین اکسیر اعظم
تخریسنده جسم مذکور ایله چوق اوغرا شمشلردر. الان
طبابتده پک مستعمل اولوب صنایعده دخی مرکباتی قوللانیلور.
معلوم اوله که تجارتده انتیون دیوانوب صایلان انتیون خالص
اولیوب کبریت انتیون یعنی کبریت ایله اولان مرکبیدر. انتیون
مائیه قریب بیاض و غایت پارلق و منکسر و فرشی البیان اولوب
ال ایله دلك اولنسه کندوسنه مخصوص بر رایحه ایراث ایدر
وقوه قطرقیده سی اولمیوب سهولتله مذاب وزیاده حرارتده
دومانه منقلب اولور و اکثری معدن ایله اختلاط ایدوب حتی طبیعتده
بیله ککوش ایله خلیطه طبیعتده سی بولنور و جوهر لرندن الک زیاده
مبذول اولان بالاده مذکور کبریت انتیون اولوب بین الناس خام
دمور بوزان نسیمه اولنور. اشبو جوهر پک چوق پرلرده بولندیغندن
انتیون خالص اندن استحصال اولنور و بوجوهره راستق دخی
دینلور که من القدیم آسیاده وافر یقاده سورمه مقامنده قوللانیلور
و حالافریقانک بعضی محللارنده و خصوصیه نوبه مملکتنده سکه یرینه
تداول ایدر. جوهرندن استخراج اولنان انتیونک امور زراعتده
وانواع صنایعده کثرت استعمالی واردر شویله که اور و پاده نازری
ودیکر بعض حیواناتی نسیمین ايجون انتیون خلیطه سی استعمال اولنور

و کوشه تقلیداً اعمال اولنان چنال و قاشق و امشالی قلا ی ایله
 انیمون خلیطه سیدر و شنک ایچون انداخت اولنان فشنکارده
 الوان لطیفه حاصل اولمق اورزه انیمون ایله توتیا قوللا نیلور
 بسموت تسمیه اولنان عنصر معدنی معادن نادره دن معدود
 اولوب قورشون و قلا یه شبیه اولدیغدن پک چوق زمان انلردن
 فرق وتمیز اولنه مامشیدی . معدن مذکور طبیعتده خالص بولوب
 زنگی کوش کی و اوزری دخی اکثر یا چیز یلدر و خالص اوله رق
 ساقسونیا و فرانسه ده و باد و هس دوقه لقلرنده و سائر یر زده
 چیقار و سهولته مذاب اولوب حتی بعضی قیاز صودروننده
 بیله ادر .

تلور نام معدن بسموت مثلاً و معادن نادره دن اولوب یقین وقتلرده
 کشف اولمشدر . بوندن اقدم یالکز اردل مملکستده بر محله
 بولوب شمدی دیگر بر قاج محله دخی ظهور ایتمشدر . بیاض
 و منکسر و مجلا اولوب قزل حرارتدن دون حرارتده مذاب اولور و زیاده
 حرارتده غلیبان و طیران ایدر و تیر ابده کاملاً منحل اولور طبیعتده
 اکثر یا التون و کوش و قورشون معدنلر یله مخلوط بولور .

پلاتنه معدنی ۱۷۳۵ میلادیه سند کره ارضک لایق بله رسم
 و شکلنی تعیین ایلک ایچون ترتیب و اعزام قلنان انجمن هنروران دن
 اوللوا نام کسند امر یقاده بولش و یکر می سند صکره حالت
 معدنی سی و کیفیات سائر سی اور و پاده کی یا خانه لده بالتجربه
 تبین ایتمشدر و کوش ایله مشابهتی اولمق جهتیله اسپانیول
 لساننده شبهه فضه معناسنه اولان پلاتنه لفظ یله
 تسمیه قلندی بزده معدن مذکور بیاض التون دینلور . میلادک

۱۸۲۲ سنہ سند: روسیدہ واقع اورال جبالندہ پلانٹہ معدنری کشف اولمشدر. پلانٹہ نیک بعض کیفیات و خواصی اتون و کوش ایله مشترک اولمقدن ناشی معادن قبولہ صرہ سنہ ادخال الندی زیر اتون کی غیر متغیر اولوب همان تیمور و نحاس قدر قوہ ارتباطیسی وارد و غایت عمیرت الہ ذاب اولوب رنجی دخی تحول ایتمز. اشبوم معدنہ غیر معداب دینلور ایسده الوانیق بانر بهلری سارده الہ اریدیلہ بیلور و مولد الجوضہ و هوا و سوسائر حاضات پلانٹہ اوزینہ تاثیر ایده من و قوہ تخریقہ و انجیرار بهسی اتون و کوشدن صکرہ معادن سائرہ دن زیادہ ارلدیغندن پک چوق شبدہ استعمالہ صالحدر و تیمور کی ایکی پارچہ سی بربرینہ اکله بیلور یعنی قینامق تغیر ارلشان خاصہ سی و چلیک قدر دخی خاصہ الاسنیقہ سی وارد و رجلائی دخی پک اعلا قبول ایدوب چوق مدت تغیر ایتمز. امر بقای جنوبیدہ واقع برازیلیا مملکتندہ خالص پلانٹہ بولنور ایسده اکثر یا بالکنز پالادیم جسم معدنیہ مخوطدر لکن سائر محالک پلانٹہ سی پالادیوم رودیوم اریدیوم اوسمیوم تیمور باقر و قور شون کی معدنر ایله خلیطہ طبعیہ اوله رق بولنور و پلانٹہ نیک نقلت اضافیسی معادنک جملہ سندن زیادہ اولوب صودن تخمینا یکرمی بر بچق دفعہ آغردر. طبیعتده بولشان پلانٹہ مدور و یا خود سیوری پارچہ و اوزری دوز و یا خود بروزی و یادیش دیش اوله رق بولنور و شمعی یه قدر الک بیلوک پارچہ لری جبال اورالده بولمشدر و یرلی اراضیدہ بولنوب اراضی منقبہ تعبیر اولشان یرلده واقع اولور. مع مافیدہ ممالک محروسہ دن انطاکیہده یرلی احجارده کشف اولمشدر.

روسیه ده اشو معدن سکه ضرب اوانوب لکن بر قاج سنه دنیرو
تداولی منع اولمشدر . بر جنس بومشاق یا موق کی پلاتنه
اعمال اولور که اسمنه پلاتنه سونکری تسمیه اولور . مولدالمایله
تماسه کلدکده مشعل اولور واشبوخاصه اوزرینه بر جنس لامپا
یعنی قندیل اعمال اولمشدر .

(ادهم)

(بقیه بی سکره)

ناظر نافعده و معارف عمومی

(ما بعد نومرو ۱۷)

(اصول تأمینیه)

امور بریه و بحریه و شخصیه متعلق الیه رق ذکر سیقت ایدن
سیغورطه لردن بشقه اصول تأمینیه قانونیه نامیه اوروپاده دیگر
بر نوع سیغورطه دخی اجرا اولور که بوندن مقصد حسب القانون
اهالیسک مکلف اولدیغی بعض تکالیفات تقیله بی ممکن مرتبه
تخفیف اینکدر . مثلاً فرانسه ده قرعه سی چقان نفقات یرینه
بدل یرلسی جائز ایدده بدل تدارکی ان اون بشیک غروشه
متوقف اولوب هر کسک بوکا اقتداری اوله میه جغندن مخصوص
قومیه لردن سکل ایدرک داخل قرعه اولان اشخاصک حسن
رضایر بله و یردکلری بر مقدار جزئی سیغورطه ایقه سنه مقابل
قرعه اصابت ایدنر ایچون بدل تدارک کنی تعهد ایدرک اشته
بومقوله سیغورطه لردن فوائده و محسناتی اوروپاده تجارب حدیده
ایله ثابت اولوب فقط بونک اساس و حکم نندن عبارت اولدیغی
کرکی کی توضیح و تفصیله مجموعه مزک تحمیلی اولدیغندن بوراده
تأثیرات حسنه ستمک بیانیه اکتفا اولیابده معلومات وافیده